

南華經曰損之又損之

以至於無為

南華經曰以至於無為

無為而無不為

南華經曰無為而無不為上無為也下亦

無為也

取天下常以無事

通玄經曰古之善為君者取天下而無事

省事之本在道日損

及其有事

通玄經曰木生蟲還自蠹人生事還自賊

各以所好反自為傷以學生事又以事止

事譬猶撓水而欲求清也難矣不足以取

天下

不足以取天下

通玄經曰位高者事不可煩事煩難治不

足以取天下

道德真經四子古道集解卷之六

道德真經四子古道集解卷之七

古 襄 冠 才 質 集

聖人無常心章第四十九

此章通玄經言後世

愚法設實而不能移風易俗者有為

政刑不守道也古者聖人聽其音則

知其風觀其樂則知其俗見其俗則

聖人無常心

通玄經曰古聖人之心日夜不忘欲利人

其澤之所及以遠四海矣

以百姓心為心

通玄經曰聖人在上則民樂其治在下則

民慕其意

善者吾善之

通玄經曰古者聖人見善如不及見不善

如不祥教不下堂而匡天下民化遷善者

求之一人之已善也

不善者吾亦善之德善

通玄經曰古之君人者以得為在民以失

為在已退而自責

信者吾信之

通玄經曰信君子之言忠君子之意忠信

形於內感動應於外賢聖之化也古者聖

人教不下席而匡天下民化如神者求之

一人之已信也

不信者吾亦信之德信

通玄經曰古之君人者以正為在民以枉

為在已退而自責

聖人在天下

通玄經曰治民之本務在安人南華經曰

古之君人者見一人有失其形者退而自

責

慄慄為天下

通玄經曰古者至人精誠內形德流四方

見天下有利也喜而不忘見天下有害也

憂若有喪

渾其心

通玄經曰故樂以天下憂以天下然而不

王者未之有也

百姓皆注其耳目

通玄經曰夫憂民之憂者民亦憂其憂樂
民之樂者民亦樂其樂

聖人皆孩之

通玄經曰上視下如子下視上如父上視
下如弟下視上如兄視下如子必王天下
視上如父必正天下視下如弟即不以難
為之死亡

出生入死章第五十此章通玄經言
今七國君臣出

生入死知土地之宜習險阻之利明
并政之變察行陣之事白刃合流夫
接與死扶傷流血千里暴骨滿野勝
及而亡兵為死也非善國生後也蓋
聞古之善統攝其生徒者無甲兵之
死地可謂善矣今七國甲兵為之死

出生入死

洞靈經曰有人於兵能生死人善用之則
為福不善用之則為禍

生之徒十有三

通玄經曰人有橫死非命而亡以寡犯衆
以弱凌強兵夫殺之

死之徒十有三

通玄經曰善兵者殺各以所好反自為傷

殺人一萬自損三千

人之生

洞靈經曰人之情性欲生而惡死

動之死地

通玄經上仁篇曰兵殺傷人故曰死地

亦十有三

冲虛經曰兵為死地而戰死者太平

夫何故

通玄經九守曰夫七國之民所以不能終

其天年者何故也皆因兵殺之爾

以其生生之厚

通玄經曰故者以其生生之厚

蓋聞善攝生者

冲虛經曰其齊欲攝生亦不假禽獸熊羆

虎豹為其幟而智於人也

陸行不過兕虎

南華經曰夫水行不避蛟龍者漁父之勇

也陸行不避兕虎者獵夫之勇也

入軍不被甲兵

南華經曰白刃交於前視死若生者烈士

之勇也

兕無所投其角

南華經曰古者至德之世禽獸成群是故

禽獸可係羈而遊不傷人也

虎無所措其爪

南華經曰古者至德之世同與禽獸居是

故禽獸可攀援而窺不害人也

兵無所容其刃

通玄經曰古者姦邪不生安樂無事天下

和平智者無所施其策勇者無所措其威

夫何故

通玄經曰夫古者強不掩弱衆不暴寡民

保命而不夭者何故也皆因太平無兵戰

矣

以其無死地

通玄經曰古者災害不生禍亂不作天下

太平以其無死地

道生之章第五十一此章南華經言
形非道不生

非德不明故道長乎性德乎命夫道
德者以天地為大爐造化為大冶以
春陽為炭四時為使陶鑄萬物者也
春氣發而百草生正得秋而萬實成

金石不得其為道氣也萬物不
得此巧其與道無異也萬物出
道下為巧其與道無異也萬物出
乎無有萬物有乎生而無其根有
乎出而莫見其門有乎生而無其
乎出有子入出而不見其形是謂
物化天地無為也而萬物無不為也
道生萬物也

道生之

通玄經曰夫道者所以相生長也不生不
長萬物不能遂長生之長之此之謂大道
生萬物也

德畜之

通玄經曰夫德者所以相畜養也不畜不
養萬物不能遂成畜之養之此之謂天德
養萬物也

物形之

通玄經曰天運四時雨露時降生萬物也

勢成之

通玄經曰地厚載物含藏應用養萬物也
是以萬物莫不尊道而貴德
通玄經曰物生者道也物長者德也道之
存生德之安形道德者萬物之父母也

道之尊德之貴

通玄經曰夫道者民之所尊也德者民之
所貴也

夫莫之爵

通玄經曰天下之所尊爵者道也南華經

曰道之所在聖人尊之物敢不敬乎

而常自然

南華經曰天地之道莫之為而常自然

故道

通玄經曰天道為文地道為理陰陽為紀

四時為使命之曰通甘雨以時五穀蕃植

萬物生成

生之畜之

通玄經曰春生萬物萬物春分而生生之

畜之

長之育之

通玄經曰夏長萬物萬物正夏而長長之

育之

成之熟之

通玄經曰秋收萬物萬物秋分而成成之

熟之

養之覆之

通玄經曰冬藏萬物收藏蓄積而不加富
布施稟受而不益貧養之覆之南華經曰
莫神於天莫富於地蓋萬物而不為義澤
及萬世而不為仁

生而不有

通玄經曰大常之道生生物而不有其生物
也莫見其所養而萬物長此之謂神明無
為之道也沖虛經曰故萬物有色者有道
色色者萬物色之所色者彰顏色矣而道
色於萬物之色者未嘗顯其顏色此道無
為之職也

為而不恃

通玄經曰大常之道萬物恃之以為其長
物也不見其所長而萬物成此之謂神明
無為之道也沖虛經曰故萬物有聲者有
道聲聲者萬物聲之所聲者聞音聲矣而
道聲於萬物之聲者未嘗發其音聲此道
無為之職也

長而不宰

通玄經曰大常之道化成而不宰莫知其德此之謂神明無為之道也冲虛經曰故萬物有味者有道味味者萬物味之所味者嘗滋味矣而道味於萬物之味者未嘗呈其滋味此道無為之職也是謂玄德

冲虛經曰夫道能陰能陽能柔能剛能短能長能圓能方能生能死能暑能涼能淨能沉能官能商能出能沒能玄能黃能甘能苦能羶能香夫道無知也無能也道無為也而萬物無不知而無不能而無不為也是謂玄德無為之職也

天下有始章第五十二此章南華經言天有六極

五行無為而治帝王無為順之則治
下土天下載之此謂上皇古之王天
下者智雖蒸天地不自處也辨雖雖
萬物不自說也雖窮海內不自為
也天不生而萬物化地不長而萬物
育帝王無為而天下治也
守道無為而天下治也

天下有始
通玄經自然篇曰天下有始莫知其理唯

古聖人能知所以天地以成陰陽以形萬物以生道為之命無事與言乃無為也以為天下母

通玄經精誠篇曰天子以天地為品以萬物為資功德至大勢名至重二德之美與天地配故不可不軌大道以為天下母既得其母

南華經曰天地無為也以其子南華經曰而無不為也

既知其子南華經曰大道無為而無不為復守其母南華經曰上守無為而物自化歿身不殆

通玄經曰無為之本務去聰明閉四關止五情即與道淪神明藏於無形精神及於真道歿身不殆

塞其兌
通玄經曰上古聖人大道無為口當而不

以言心條通而不以思慮直性命之情而智故不得害也故精留於口即其言當集於心即其慮通動天下無為不言而公不慮而得

閉其門
通玄經曰古者聖人大道無為耳聰而不以聽目明而不以視忘而不為智而不務故精存於耳即其聽聰存於目即其視明動天下無為也不聽而聰不視而明

終身不動
通玄經曰故閉四關即終身無患四肢九竅不生欲病是謂真人

開其兌
通玄經曰後世小成有為開其兌以口言以心慮巧辯矯世俗也

濟其事
通玄經曰後世小成書學濟其事以目視以耳聽聰明矯世俗也

終身不救
通玄經上禮篇曰末世為禮者雕琢人性

矯拂其情目雖欲之禁以度心雖樂之節以禮人何則不本其心之所以欲而禁其目之所欲不原其耳目之所以欲而防其樂之所樂是猶圍獸而不塞其垣禁其野心決江河之流而塞之以手故曰開其兌濟其事終身不赦

見小曰明

通玄經曰古聖人以道灌天下守微妙者見小也見小故能致其明是故聰明廣智守之以愚先王無為守天下故能長久也

守柔曰強

通玄經曰上古聖人以道灌天下守柔弱者見小也見小故能成其大是故多聞博辯守之以訥先王無為守天下故能長久也

用其光

通玄經下德篇曰後世用其光是謂重傷復歸其明

通玄經曰後世復歸其明重傷之人無壽類也

無遺身殃

通玄經曰道有智則亂德有心則險心有目則眩故嗜欲使人氣淫好憎使人精勞不疾去之則志氣日耗以老以喪其天年而已夫飾其外傷其內壯其情者害其神

見其文者蔽其真

是謂襲常

通玄經曰古者聖人清目不視靜耳不聽閉口不言委心不慮素聰明反太素休精神去智故無好憎大通無為何往而不成

使我介然章第五十三

此章洞靈經古近古已未天下多邪者正者寡邪出言或於者多使天下之人交相邪強而不正矣古者天下成地自邪邪強而不鬼神不能靈求世天子奇與大臣化也法祀勝神之術至神想者非不事神也天下海祀風俗妖邪家失業也

使我

沖虛經曰仁義益衰民性益薄此道不行介然有知

通玄經曰聽善言便計雖愚者知悅之稱聖德高行雖不肖知慕之

行於大道

通玄經曰悅道者衆用道者寡慕道者多行道者少

唯施是畏

沖虛經曰此道不行一國與當年其如天下與來世矣

下與來世矣

大道甚夷

通玄經曰大道坦坦去身不遠求之近者往而復反

民甚好徑

通玄經曰民甚好於邪徑事鬼神也淫祀

勝神愈恣

朝甚除

洞靈經曰為治之本務在安人若時事不襲奪之以土功是謂大山沖虛經曰齊魯

多機巧有善土木者

田甚蕪

洞靈經曰人捨本事末古者聖王之所以治人者先務農人農人則樸樸則易用則達境安人農則重則少私愛而公法玄

通玄經論神農之法曰丈夫丁壯不耕天下有受其飢者婦人當年不織天下有受其寒者故帝親耕后親織以為天下先是故耕者不強無以養生織者不力無以衣形衣食饒裕姦邪不生不奪時之本在於

首事

倉甚虛

洞靈經曰農攻食工攻器商攻貨穀者人之天是以興王務農王不務農是棄人也王而棄人將何國哉通玄經曰帝王富其民霸王富其地危國富其吏治國若不足亡國困倉虛故曰上無事而民自富足用之本在於不奪時

服文綵

南華經曰末世所樂者美服好色以惑其意遺忘其業可謂亂矣以教民俗縫衣深帶澆薄不淳

帶利劍

南華經莊子說趙文王好劍曰臣有三劍惟王所用王曰願聞三劍曰有天子劍有

諸侯劍有庶人劍今王有天子之位而好庶人匹夫之劍臣竊為大王薄之王乃幸而上殿宰人上食王三環之莊子曰大王安坐定氣劍事已畢奏已於是文王不出官三月劍士皆服斃其處也

厭飲食

南華經曰末世所樂者滋味音聲以惑其意遺忘其業可謂亂矣

財貨有餘

南華經曰貪財而取慙貪權而取竭貪貨而取利

是謂盜詩

南華經曰凡此七經者天下之至害也皆遺忘而不知察愛意絕體而貪此不亦惑乎沖虛經曰教明於上化行於下民有恥心則何盜之為於是用隨會知政而群盜奔匿焉

非道也哉

通玄經曰淳化之本在去華巧南華經曰智巧者華不足以定天下非道也哉

善建者不拔章第五十四此章通玄世之天子之言非道德無以治天下上世而無禍禍者何道以然老子曰自天子以下至于庶人各自然生活然治有厚薄天下時有亡家敗國無道德之故也若風夜不漸戰戰兢兢常恐危亡慎守不失若樂欲怠惰不能慎守其亡無時使樂射道行德湯武

非貧無所建其功也古之善建者不拔善守者不失故子孫祭祀不絕善守不絕天下長久也

善建者不拔

通玄經曰古之善建者不拔言建之脩德無為無好守謙儉也洞靈經曰文王靜作

進退天必贊之卜世三十

善抱者不脫

通玄經曰古之王者處大滿而不溢居高貴而無驕處大不溢所以長守富也居高不驕所以長守貴也洞靈經曰文王之德紂不能害夢啓之壽卜年七百天所命也子孫祭祀不絕

子孫祭祀不絕

通玄經曰富貴不離其身祿及子孫古之王道其於此矣王道其於此矣脩其身其德乃具

通玄經微明篇曰士庶有道則全其身故曰修之身其德乃真南華經曰古者五官殊職庶人自正自修治之美也

修之家其德乃餘

通玄經曰古者大夫有道不失其家故曰

修之家其德乃餘南華經曰大夫自正自

修治之美也

修之鄉其德乃長

通玄經曰古者州郡有道不失其鄉故曰

修之鄉其德乃長

修之國其德乃豐

通玄經曰古者諸侯有道不失其國故曰

修之國其德乃豐南華經曰諸侯自正自

修治之美也

修之天下其德乃普

通玄經曰古者天子有道長有天下故曰

修之天下其德乃普南華經曰天子自正

自修治之美也

故以身觀身

南華經曰末世五者不修失莫大焉庶人

不修失其身也

以家觀家

南華經曰大夫不修失其家也

以鄉觀鄉

南華經曰州郡不修失其鄉也

以國觀國

南華經曰諸侯不修失其國也

以天下觀天下

南華經曰天子不修失其天下

吾何以知天下之然哉以此

通玄經曰不失國本在乎善守不益其厚

而張其廣者毀不廣其基而增其高者覆

任重莫若棟任國莫若德

含德之厚章第五十五

此章南華經曰馬蹄篇言上古大道至德之世其民童蒙若赤子也其行真莫不知東西其視顯顯

不知昏明當是時也禽獸成群草木
遠長是故禽獸可係羈而人不害也
也鳥鵲之巢可攀援而窺不傷人也
禽獸不能賊非謂其薄之也言察乎
安危穿於禍福謹於去就莫之能害
也含德之所致矣沖虛經曰太古之
神禽獸與人同居與人並行五帝三
王之時禽獸始驚散與人遠於末世
及禽獸隱伏逃竄以避其難通玄經曰
及至末世道衰德薄人為賊也禽獸

含德之厚

通玄經曰古者至人之治含德抱道恬愉

無矜而德乎和盜賊不行含德之所致也

沖虛經曰含其德以通乎物之所造

比於赤子

通玄經曰古者至德之世其民童蒙如三

月嬰兒不知利害盜賊不行含德之所致

矣南華經曰衛生之經能兒子乎終日行

不知所之居不知所為身槁木之枝若是

者禍亦不至福亦不來禍福無有惡人災

物害也

毒蟲不螫

通玄經精誠篇曰古者伏羲氏之王天下

其德生而不殺當此之時蟲蛇無不有其

尾毒藏其螫毒不螫人也含德之所致矣

猛獸不據

通玄經曰古者伏羲氏之王天下也其德

生而不殺當此之時猛獸無不有其介牙

含德皆為人言故鑄鐵銀刀以禦其
檢上古含德之厚性比赤子無利害
之心古樓
長壽也

走獸之群可係羈而從不害人也含德之所致矣
攫鳥不搏

通玄經曰古者伏羲氏之王天下也其德生而不殺當此之時禽鳥無不有其爪距飛鳥之巢可俯而探不傷人也含德之所致矣

骨弱筋柔而握固

南華經曰兒子終日握而手不掣同其德也終日視而目不瞬偏不在外也是至人之德矣

未知牝牡之合而皎作精之至

南華經曰兒子動不知所為身若槁木之枝而心若死灰精之至也沖虛經曰嬰兒之全

終日號而嗷不嗷和之至

南華經曰兒子終日嗷而嗷不嗷和之至

知和曰常

通玄經下德篇曰上古重生重生輕利無所害神有壽歲矣故曰知和曰常沖虛經

曰上古赤子嬰孩之性也志專志一和之至也物不傷焉德莫加焉

知常曰明

通玄經曰後世輕生重利是謂重傷重傷之人無壽類矣故曰知常曰明

益生曰祥

沖虛經曰其在童幼也矜巧能修名譽誇張於世通玄經曰益生曰祥

心使氣曰強

沖虛經曰其在少壯也則血氣氾溢欲慮充焉物所攻焉德故衰焉通玄經曰心使

氣曰強

物壯則老

沖虛經曰其在老耄也則欲慮柔焉體將休焉物莫先焉通玄經曰夫精神志氣者

靜而日充以壯躁而耗以老

是謂不道

通玄經曰人有天死非命而亡薄賤其身病共殺之非恬愉者無以明德故人強非道也非德也而可長久者天下無之不道

早死

不道早死

沖虛經曰其在死亡也則之於息焉反其

極焉

知者不言章第五十六 此章南華經

有蔽塞在於諸子是以絕其自備其具
為天下之憂古之道德不與先王同夫
者亦去其害焉者亦去其害焉者亦去其害焉
則不崇皆固域於物失其道者也招
士於勇朝中民之士奮其力也
戰枯槁之士宿名法律之士廣治禮
教之士欲容仁義之士貴際財不
積則貪者愛推勢不尤則浮者悲勢
物之徒樂變道時有所用不能不為
言也九流塞道
書學繁亂也

知者不言

南華經曰古士無為無思無慮始知道知

者不言

言者不知

南華經曰下士有為因貴言傳書為形名聲色言者不知而世豈識之哉
塞其兌

通玄經下德篇曰古士塞其兌其言也詘
大辯若訥

閱其門

通玄經曰古士閉其門默聰明也大巧若

拙

挫其銳

通玄經曰古士挫其銳去機羨也無兵器

矣

解其紛

通玄經曰古士解其紛無爭亂也天下安

靜

和其光

通玄經曰古士和其光無怨逆也

同其塵

通玄經曰古士同其塵無爭怨也

是謂玄同

南華經顏回曰墮肢體黜聰明離形去智

同於大通此謂坐忘通玄經曰萬物玄同

無是無非

故不可得而親

南華經曰仁義之士貴際察士無凌誣之

事則不樂

不可得而踈

南華經曰禮教之士敬容智士無思慮之

變則不樂

不可得而利

南華經曰辯士無談說之序則不樂通玄

經曰夫怨者逆德也爭者人之所亂也除

謀逆德治人之亂逆之至也非禍人不能

成禍

不可得而害

南華經曰勇敢之士樂殺兵革之士樂戰

通玄經曰兵者凶器也好用凶器治人之

亂逆之至也非禍人不能成禍

不可得而貴

南華經曰不以貴為安不恃勢而專不榮

通無天怨

不可得而賤

通玄經曰不須財而富不以賤為危不醜

窮無人非

故為天下貴

南華經曰古者毀志之勃貴富顯嚴名利

六者勃志也不動習中則正正則虛靜無

為而無不為也

道德真經四子古道集解卷之七

三十一